

جريدة محاكم

جمعه ایرتسی

نومرو	محررم	سنه	ایلول	سنه	صحیفه
۳۱۸	غره	۱۳۰۳	۲۸	۱۳۰۱	۳۰۰۹

* اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه
 * یکر می غروش حسابیله التمش غروشدر طشره لر ایچون اون بش غروش پومته اجرتی ضم اولنور بهر
 * نسخه سی ینه مجیدیه یکر می غروشه اولوق اوزره یوزپاره به هر یرده صاتیلور درج اولنده جق اعلاناتک
 * هر برندن بر مجیدیه اخذ اولنور سنه لکنه مشتری اولوق استیانلر عدلیه نظارتی دائره سنده کاشن
 * جریده محاکم اداره سنه مراجعت التلیلدر

قسمت سومی

مزبوره نك حسب الاقتضا محاکمه ارأه سنده
 اداره بی جزای نقدی اعطاسندن وقایه ایچون
 ذکر اولنان دفترلك علم و خبره قیاساً بر غروشلق
 تمغار سمنه تابع اوله جفنگ بالجمله محاکمه معلومات
 ویرمك اوزره دائره عدلیه به ییلدی رلمسی شورای دولت
 تنظیمات دائره سنندن بامضبطه افاده اولندیغنی بیان
 عالیسیله اجرای ایجابی مقام سامی حضرت
 صدارت پناهیدن شرفوارد اولان فی سلح ذی
 القعدة سنه ۱۳۰۲ وفی ۲۹ اغستوس سنه ۳۰۱
 تاریخلی بیورلدی عالیده امر و اشعار بیورلمش
 ودائرة تفتیشیه لرنده بولنان محاکمه تبلیغ اولنمق اوزره
 اشبو تحریراتک نسخ مطبوعه کافیه سی لفاً ارسال
 قلمش اولمغله بر منوال محرر اجرای ایجابی

(عدلیه نظارت جلیله سنندن فی ۳ محرم)
 (سنه ۱۳۰۳ وفی ۳۰ ایلول سنه ۳۰۱)
 (تاریخیه در سعادت وولایات عدلیه)
 (مفتش لکر ینه تسطیر اولنان تحریرات)
 (علیه صورتیدر)
 مسکرات عاملار ینه مخصوص اولان استماره
 دفتر لندمکی اسملری زیرینی رسوم مقطوعه
 تعرفه سی موجبجه هر نوع علم و خبره مخصوص
 اولان قرق پاره لک پول پایشدی رلمسی دیون عمومیه
 اداره سیله بالمخبره قرار لشدیر لدیغندن اجرای
 ایجابی خصوصنك مالیه نظارت جلیله سنه ودفاتر

قسم غیر رسمی

باب والای سرعسکری نامه ساخته حواله نامه
چیقار انلرک ضبطنامه سندن مابود

برسند ابراز ابدرك في الحقيقه بوساخته کارلقدہ
موکلنک معلوماتی اولسه هیچ بروقت بوبله برسندی
اورته به قویه من ایدوکنی واکر نوری افندی به
ساخته کار دینلور ایسه کرک نوری افندی ایله
وکرک علی رضایعنی راشد ایله سندن تعاطیمی ایله
اخذ واعطا ایتش و بوبله غیر مشروع صورتده
تشکل ایدن قومپانیه نک شرکاسی بیننده سند تعاطی
ایتدیرلدیکنده امثالی کورلماش ایدوکنی وعلی
الخصوص حاجی عوادیس بوباده تقدرحواله المش
ایسه پیاسه دن دون فیأت ایله المش اولوب
والحاصل موکلی باب سرعسکر بجه معروف و معتبر
برتجارک اسمنی استعاره ایله مکمل اوطه و قاصده سی
بولنان بوراشدک حیل و دسایسنه قایلش اولدیغنی
واوراق حوالاتک سبک اولوب اولدیغنی حل
وتدقیقی مدعی عمومی طرفندن طلب اولمشیکن برده
(بوقدر حواله بی عوادیس الیورده نصل
اولوبده که ساخته لکنه واقف اولمبور) دینلکه
اولسی بالوجوه مخالف قانون بولندیغنی و بغداد صار
علیهنده ایرانی محمدک بوجه سابق واقع اولان
افاده مجرد سندن بشته برحال اولدیغنی جهته
مستنطق طرفندن منع محاکمه ایدلشیکن مدعی
عمومینک اعتراضی اوزرینه مدت مدیده تحت
توقیفده قالدیغنی مبین اولدیغنی مثللو مرقوم حاجی
عوادیسک دیکر وکیلی رفیق بک دخی اوخانس
افندی نیک مدافعه سنه علاوه ایرانی محمد حاجی
عوادیس ایله قصه المی ایچون و رقی خانی اوطه
باشیمی کیغورقه مراجعتله بازارلق ایتدکارینی
سو یلدیکی حالده مرقوم کیغورق بوجهتی مبین

ایله تکذیب ایتش اولدیغنی و کرد ابراهیمه وکیل
تعیین قلنان طروس افندی دخی صورت تحقیقات
وادعا جله جه معلوم اولوب متهملردن بعضیسی
کاتب اولدیغنی جهته بونرک اصل ساخته کار
و بعضیلر نیک دخی سور بیچی اولدقلمی عزوایدلمکده
ایسه ده موکلنک یازوسی اولدیغنی مثللو نه مهردن
نه حواله دن هیچ برایشدن اکلار آدم اولدیغنی
وراشدک بنی اسکداره ابراهیم کتوردی دیمسی
واویج ماه قدر خانه سنده بولتمامسی و کور بکیر
قیوسنده دیکر لر یله برلشمسی علیهنده دلیل عد
اولمش ایسه ده دیکر افاده سنده راشدک بنی ایرانی
محمد اسکداره قاچیردی دیمش اولدیغنی و کرد
ابراهیم زوجه سندن مفارقت ایتش اولدیغندن
اوخالنده علاقه سی قلامش ایدوکنی و کور بکیر
قیوسنده اوغلنی ارامق ایچون اوتوردیغنی ایضاح
ایتش اولدیغنی و محمد راشدک وکیلی واسیلاکی
افندی دخی بدایت ماده ده موکلی راشد موقوف
اولدیغندن ایشدن معلوماتی اولدیغنی مثللو اجرت
مقابلنده برآمد یاز بیچی تعیین قلنش و افندی سنک
ساخته کارلق ایتدیکندن معلوماتی اولیه جغنی
بیدیار و برده اسکداره کوتور یلهرک سن شوراده
طور دینلدیکندن موکلی مرقوم راشد دخی اوراده
قاله رق اگر مدخلی اولسه فرار و معلوماتی
بولنسه کیفیتی حکومته اخبار ایده جکی درکار
بولنش ایدوکنی و پستالک وکیلی محمد علی افندی
دخی موکلی علیهنده کویانشاسته بی اوغلی یعقوبه
هر قاچ غروشه وهر قنغی ولایته اولور ایسه
اولسون بنده حواله بولنور دیدیکی دلیل اولمق

اوزره ادعا اولنور ایسه ده بوسوزک صحتی فرض
اولنسه دخی صراف معامله سندن بهره سی اولمیان
برآدم ایچون بوسوز و برده نوری افندی ایله
معارفه سی اولدیغندن مرقوم نوری افندی نیک
موکلنک دکاننده نشاسته بی اوغلی یعقوب ایله
بینلرنده اخذ اعطایه دائر سوز جریان ایتسی
موکلنجه موجب مسؤلیت اولیه جغنی بالبان اشبو
استماع ایدیلان وکیللرک جله سی موکلر نیک برائت
ذمتلرینه قرار و برلمسنی طلب ایتلر یله وساعت
دخی اون بره کلنکه دیکر متهملرک وکیللر نیک
مدافع لرنک استماعی شهر شوالک بکرمی دردنجی
چهارشنبه کوننه تعلیق قلندیغنی تفهیم اولندی



بوم مذکورده ساعت بدی راده لرنده موقوفلردن
کدلاک شکر بدن ماعداسی جلب ایله معاون
یو وکیلون مومی الیه م حاضر اولدقلمی حالده
متهملردن طومه نیک وکیلی محمود جدی افندی موکلی
مرقوم علیهنده کی احوال معلوم اولوب انجق
طومه حاجی عوادیسک خانه سنه کتمسی طولاندر بیچی
حقیقه اله جغنی اولان مبالغی قورتارمق مقصدینه
مبنی اولوب ایرانی محمدک صویه کیره جک ایسه کز
قبورغه کزه قدر کیر یکز عدلیه نیک مدعی عمومی لری
ومأمور لری بنم المده در دیدیکی حقیقه کی اسناداتی
بی اصل اولدیغنی کبی فرض محال اوله رق بونک
صحتی تسلیم ایدلسه بونده سنز یا یکز مقصدی
اکلاشیلوب برابر یا پلم دیمک اوله میه جغنی و محمدک

رفیق دلال بقوغوصك حضور محكمه ده مع القسم
 واقع اولان افاده لرده نوری افندیك معامله
 جبریده بولمیبوب یالکز کندوری بوحواله نامه بی
 المقدن صرف نظر ایتدکار بی مین بولندیغنی
 واشبو حواله نامه نك صاحبی ارئه ایدمامسی
 بخته کلجه بوحواله نامه صحیح ایسه صاحبی
 کوسترمه مجبور بی اولدیغنی واکر ساخته ایسه
 البته صانعی او بی و محل اقامتی بیلدیرمیوب یالکز
 چشم آشنالی ایه موکلنی اغفال ایتش اولدیغنی وحتی
 موکلنی نوری افندی تئوکنیس اغابی الوب شخص
 مرقومک خبرو یردیکی محل اقامتده بوله مامسی دخی
 حقیقتی بیلدیکنه دلالت ایتدیکنی وادرنه حواله سی
 محكمه ده موجود اولوب سرعسکر پاشا
 حضر تلیرنک ودائرة محاسبانک مهرلی صحیح اولدیغنی
 مثلو ولا بجه دخی بونک ساخته لکی اکلاشله مبرق
 کولمجنه به حواله اولمش اولوب بعده بونک مهرلی
 صحیح ایسه ده متننک سیلنش ایدوکی باب سرعسکریدن
 اشعار قلنش اولدیغندن بونک موکلنی طرفندن
 تحریف ایدلدیکنه دائر هیچ براماره بولندیغنی
 ومع مافیه مکتب طیبه دخی بو باده شافی بر جواب
 و برماش اولدیغنی و باخصوص اشبو ادرنه
 حواله سنک خلاصه قیدی یته شمیدیکی مقدار مبلغ
 اوزرینه مقید اولوب شو حواله بونک التندقن
 صکره سیلندیکی محقق ایدوکنی وائتای محاکمه ده
 هاجی عوادیس طرفندن نوری امضالی قورشون
 قلمه محرر برسند اراز اولوب لدی الاستعلام
 اشبو سندک ناطق اولدیغنی حواله نك دخی مقدار

راشدک هر زمانکی قیافتی پریشان اولدیغنی حواله
 قرا کلجه بر او طه ده غایت ملبس وقاصه باشنده
 اوتورمش وکوزینه کوزلک طماقش اولدیغنی
 واورالق اصلا لقردی ایتدیکی برآمدک راشد
 اولدیغنی طایه مامسی طبیعی بولندیغنی و او طه جی
 ولینک وکیلی ارتین طو بطاش افندی دخی موکلنی
 ولینک خلاصه دن برحواله نامه الدیغنی قیدومهر یله
 ثابت اولوب او طه جیلرک بو مثلو معامله ده بولندقری
 قابل انکار اولدیغنی و مرقومک اوقیوب یازمسی
 اولدیغندن بوحواله نامه نك ساخته اولدیغنی
 بيله میه جکی طبیعی بولندیغنی کبی مرقومک ساخته
 اوراقی بيله رك استعمال ایتدیکنی کوستر هر هیچ
 بر دلیل و اماره اولدیغنی و نوری افندیک وکیل لرندن
 قره کین ملکبان افندی دخی موکلنی علیهنده اولان
 احوال دن بریسی یازوسنک ساخته اوراقک
 خطو طنه مشابته وحواله معامله سنده بولنش ایکن
 عندالسؤال انکار ایتسی و تحته برون تئوکنیس
 اغایه حواله نامه صامتی ایتیبوب صکره جبراً حواله
 نامه بی تئوکنیس اغادن استرداد ایتسی واشبو
 حواله نامه نك صاحبی ارئه ایدمامسی وادرنه
 حواله سنی صامسی ماده لرندن عبارت اولوب
 اصل محكمه جه معتبر بولسان وایکنجی دفعه
 تشکیل ایدیلان استکتاب قومیسوونک راپورتنده
 موکلنک خطنه مشابته بیان ایدیلان حواله نامه نك
 صحیح حوالا تندن اولدیغنی باب سرعسکریدن
 بیلدیرلیدیکنی و صکره ایش بشقه درلو اولدیغنی
 کور بلیجه حقیقتی بیان ایتش ایدوکنی و تئوکنیس ایه

مبلغی تزید ایدمش اولدیغنی بیلدیرمش اولوب
 بونک حافظ عثمان فوزی افندی طرفندن الندیغنی
 واندن صکره طا بورکاتی مصطفی افندی وسائر یه
 والحاصل الدن اله کزه رك کیمک طرفندن تزید
 و تحریف اولندیغنی ثابت اوله مدیغنی و ایرانی محمدک
 افاداتی حقه ده سائر وکیل افندیلر مدافعه ایتش
 اولدقلرندن تکرارینه لزوم کورمیوب انجق موکلنی
 نوری افندی بو ساخته کارلغی ایرانی محمدن ایشیدر
 ایشتمز مرجعه اعطای معلومات ایه مرقوم
 ایرانی محمد وسائر یه اخذ و گرفت ایتدیرمش
 اولدیغندن طولانی دخی موکلنه غرض و عداوتی
 بولندیغنی و دیگر وکیلی شوکت بک دخی ایرانی
 محمد حواله نامه لر دن بعضیلرینک طوز روحیله
 سیلندیکنی بیان ایتدیکی حواله بوجهتی مکتب
 طیبه نك رد و تکذیب ایتسی ایرانی محمدک بالجمله
 افاداتنک صرف غرض و خصوصتدن ایلر و کیش
 اسناداتندن عبارت بولندیغنی اثبات ایلدیکنی
 و آگاهک وکیلی مومی ایه طروس افندی دخی
 مرقوم آگاه اکیلی محمدک زنده اوشاق اولوب
 بوشده و حال ضرورنده بولندیغندن نه امر ایدر ایسه
 توفیق حرکت ایتدیکنی و اوقیوب یازمسی اولدیغندن
 بونلرک ساخته اولدیغندن معلوماتی بولندیغنی
 سویلیوب حکا کلک دخی الدن کلیه جکی بداهه
 کورلمکده بولدیغنی و فتحه و نصراه افندیلر دخی
 حضور محكمه ده حواله نك بازار لغنی ایدن وصاتان
 اکیلی محمد اولوب آگاه پزمرده قیافتله بونک
 پیشندن طولاشتمده اولدیغنی بیان ایتدکاری مثالو

مرقوم اکیلی محمد اجزاجی ارتین افندیک حواله
 نامه سنی آگاهدن الدم دیدیکی حواله نصراه افندی
 کفیل ایتدیکی زمان اشته صاحبی بودر دیو آگاهی
 ارئه ایتیبوده کندوسی کفیل و یرمش اولسی
 و حالبوکه اکیلی محمد دلال اولدیغنی ستویلوب
 دلال ایسه مسئولیتی اوزرینه الیه جغنی طبیعی
 بولمسی و صکره نصراه افندیک زنده اکیلی
 محمد حواله نامه نك اقبه سنی سکا و برمدیمی دیو
 آگاه خطاب ایتدیکی صره ده آگاه دخی او کردمش
 اولدیغنی اوزره اوت جوابنده بولنش اولسی
 مؤکلی آگاهک صدق افاده سنه دلیل علی
 بولندیغنی و آگاهک بو حال ایش بیلیرک خدمتکارلق
 قیلندن اولق اوزره بر حرکتدن عبارت اوله رق
 مثلا حیله ایه اظهار افلاس ایدن برتجار کاتبه
 دهرینی تصنیعات ایه تنظیم ایتسی امر ایتدیکی
 حواله کاتبک بونی ترویج ایتسنه و یا خود بر مطبعه ده
 اوراق طبع اولندیغنی ائاده مرتب و ماکنه نك
 چرخنی دوندیرن حالت فعلته جرایم مشترکه دندر
 دیو مسئول طویله میوب انجق مفلس تجار ایه
 مطبعه نك صاحب امتیازی نظر قانونده مسئول
 عد ایدله جکنی و جرایم مشترکه ایشده فعلاً و ماده
 معاونت و فعاک اسباب حصولنی تسهیل ایتمکدن
 عبارت بولندیغنی معرض مدافعه ده بیان و اکیلی
 محمدک وکیلی چناق قلعه لی عزت افندی برورقه
 قرآتله خلاصه سنده تجار دن عباده علوان
 افندی به صاتیلان حواله پیاسه سندن دون
 فیأت ایه صاتمالمش و تجار مومی ایه بو مقوله

اوراقه کتیلی اچمه و بره رک المقده اولدیغندن هر کسدن
زیاده ساخته اولوب اولدیغنه اعتنا ودقت
ایتمسی لازم کلور ایکن اودخی ساخته لکنی
فرق ایتماش واصحاب حواله نك و کیلی اولق
اوزره آگاه واشرف طرفلرندن خالد نامیله
کوندریلان شکریدن ایکیوز یتمش بش لیرابه مقابل
علی الاصول سند التمش ونصراه افندی یه
صاتیله جق اولان حواله سندینک مهری ایو
چیتماش اولدیغندن تکرار تمهیر ایتدیرلمسی
سویلهکله ایکنجی مهر دخی اوقونمز صورتده
برشی بولندیغندن نصراه افندی باب سرعسگری یه
بالغزیمه اجرای تدقیقات ایتدیردیکی صرهده مؤکلی
حافظ مصطفی افندی یه بالارائه قیدینه باقدیرمش
وساخته اولدیغنی بیلسه نصراه افندی حواله
نامه بی استرداد ایتک تشبثنده بولمسی طبیعی
اولدیغنی مثللو مؤکلی مرقوم اکیلی محمد ایشده
ساخته کارلق اولدیغنی حس ایتمش اولسه النان
کتیلی اچمه دن هیچ اولزسه بالنسبه حصه المق لازم
کلور ایکن یالکز دلالق نامیله اون بش لیرا المش
و آگاه طرفندن اراز ایدیلان سندک تاریخی
عبداه علوانه ونصراه افندیلره حواله صاتلیدیغنی
تاریخندن صکره یه مصادف بولتمش وسند مذکور
مندرجاتندن التی ماه صاحب مهره خدمت ایتدیکی
حالده مقابلنده طقسان لیرا اجرت و برلک وهرنه
امر اولنور ایسه ایفا ایتک وایفا ایتدیکی تقدیرده
بوندن طولانی حصوله کله جک ضرر وزیاندن مسؤل
اولق اوزره آگاه افندی نامنده بر دعوی وکیلی
استیجار اولندیغندن بشقه بر معنی استخراج ایدلیه جکی

منفهم اولمش وسرمایه سی اولدیغنی حالده بویله
بر واردات وسیعه قارشو انجق طقسان لیرا اجرت
مؤجله یه آگاهک راضی اولسی مستبعد بولتمش
وخالد مهر یله مؤکلنک شکریدن الدیغنی سندک
ساخته اولدیغنی بیلسه اولقदार مبلغی و برسی
غیر قابل اولوب هیئت اتهامیه مضبطه سنده بوخالد
مهر ینک ساخته حوالاات سندلر ینک بریسنده مهور
بولندیغنی و اکیلی محمدک حین حاجنده اثبات
ایده میه جکی برسند ایله هیچ طاییدیغندن برآدمه
ایکیوز التمش لیرا تسلیم ایتسنگ مستبعد ایدوکی
مندرج ایسه ده مؤکلنک مهر مذکورک ساخته
اوراقدن بعضیلرنده مهور بولندیغندن معلوماتی
اولیه جغنی بدیهی بولتمش و هیچ ردلال اموال و اشیا
صاتمق ایچون مراجعت ایدن شخصک ترجه حال
واقوال و اوصاف سائرهنه کسب وقوفه
مجبوریتی اولیوب انجق وظیفه سی حسب الاصول
صاحب اشیا نك شخصنی برآدمه تصدیق ایتدیرمکدن
عبارت اولوب مؤکلی ایسه کندوسنی خالد نامنده
کوسترن آدمی آگاه واشرفه تصدیق ایتدیرمش
وحواله نامه بی آگاه صاتدیغنی جهته یه آگاهک
کفیل و برسی اقتضا ایدر ایدی زمیننده بسط
ایدیلان مدافعه یه کلنجه مرقوم آگاه دخی قومیسوز
اولدیغنی جهته صرافانک هر حالده اکیلی محمددن
کفیل ایستملری طبیعی ومع مافیه کفیل ارئه سی
آگاهی جلب ایتک حقنده تأمینادن عبارت
بولتمش وخالد مهر یله مهور بولنان مذکور ساخته
سند ظهرنده کی آگاهک (خالد افندی نك اکیلی
محمد و بر دیکی سند بودر) دیو محرر و محتوم بولنان

افاده ومهری کندوسنه لدی الارائه بودخی محمد
اغانک اوکرتدیکی یلانلر دندر جوابنی و روب
حالبوکه اکیلی محمدک تعلیم ایدی دیدیکی یلانلر
اولسه اولسه دائره استنطاقه قدر تمتد اولوب
معرض خصوصنده مذکور سند اراز اولندقدن صکره
جریان ایدن معامله بی دخی شوصورتله تأویل
ایتمش اولدیغنی مثللو مرقوم آگاه اکیلی محمدنامه
اسناد ایدیلان یلانلر غایت ساده اولدیغنی سویلدیکی
حالده اجزای ارتین افندی یه عائد ذیلان حواله
نامه ایچون نصراه افندی مواجهه سنده صرف
واستعمال ایلدیکی یلانلری تعلیمه موکلنجه امکان
مساعدا اولدیغنی جهته بوتزو یرانک چله سی آگاهک
محصول فکری اولدیغنه شبهه قالدماش و اکیلی
محمد وساطتیه نصراه افندی ننان ایکی قلم بالغک
کندو طرفندن اخذ اولدیغنی حقنده آگاهک سبق
ایدن اقراری مومی الیهما نصراه و قتمح اه افندیلر
طرفندن حیل و صنیهه معنای باطنیسیله تقدیر اولتمسی
مجرد حقوق شخصیلر ینک ممکن الاستیفا اولان
محمدافا ذمتدن تمتع الاستیصال اولان آگاه ذمتنه
(مابعدی وار)

قیان دقیده انسطاشک مسکرات مغازه سی خارچنده
بالنازعه مناو اجدی بچاق ایله جرح و قتل ایدن
معونه جی حسین چاوشنک محاکمه سی ضبط نامه سیدر
پک اوچوز سنه سی کانون اولنک اوننجی بازار
ارسی کیجوسی ساعت ایکی راددرنده قیان
دقیده انسطاشک مسکرات مغازه سی خارچنده

بالنازعه مناو اجدی بچاق ایله جرح و قتل
ایدیکی ادعا اولتمسندن طولانی مظنون علیه
اولان معونه جی حسین چاوشنک جنایتله اتهامنه
دائر هیئت اتهامیه دن تنظم واعطا اولنان فی ۲۳
چاودی الاخره سنه ۳۰۲ تاریخی و ۵۲۵ نومرولی
مضبطه ایله استیناف مدعی عمومیلکی مأموریت
علیه سنک فی ۲۱ چاودی الاخره سنه ۱۳۰۲
تاریخی و ۱۵۹۵ نومرولی اتهامنامه سی اوراق
متفرعه سیله فی ۲۳ چاودی الاخره سنه ۳۰۲
تاریخنده محکمه جنایته تودیع اولغله بالمطالعده
اصول محاکمات جزاییه قانون موقتک ایکیوز
قرق سکزنجی وایکزنجی وایکیوز قرق طقوزنجی
وایکیوز اللنجی ماده لرینه توفیقاً مرقوم حسین
چاوش شهر مذکورک بکرمی درنجی پنجشنبه
کونی توقیفخانه دن جلب ایله استیجاب ومدافعه سنده
معاونت ایتک اوزره بروکل انتخاب ایتسی تکلیف
اولندقدن دعوی وکیللرندن اسعد افندی بی بالانتخاب
وکیل تعیین ایتدیکنی سو نکلکه قانون مذکورک
ادعای مفسوخیت حقنده اولان ایکیوز الهی برنجی
ماده سی مندرجاتی اخذ اار اولندیغنی مبین طوتیلان
ضبط ورقه سی تحت امضایه الدرلدی
ادعای مفسوخیت ایچون معین اولان مدت قانونیه
منقضیه اولغله مرقومک اجرای محاکمه سی ینک
اوچوز ایکی سنه سی رمضان شریفنک بشنجی
کونه قرارلشدیرلمش ایسه ده متهم مرقوم حسین
چاوش وکیل منخجی اسعد افندی بی عزل ایله
یرینه حسن تحسین افندی بی انتخاب ایتمش ومومی
ایله دخی اوراق تحقیقیه بی مطالعه ایده جکندن

بجمله امر محاکمه نك يوم آخره تعليق اولتمنى
سو نيلش اولديغندن اجراى محاکمه سنه مذکوره
شوالنك التنجى ججه ايرتسى كونه قرارلشديرلش
ايدى

(ايكنجى محاکمه)

يوم مذکورده ساعت التى بچق راده لرنده مرقوم
حسنين چاوش قانون مذکورك ايكيوز التمش اوچنجى
ماده سنه توفيقاً توقيفخانه دن جلبله وکیل مومى اليه
حسن تحسین افندی ياننده اولديغى ومدعى عمومى
معاونى جدى افندی دخى حاضر بولنديغى حالده
محاکمه علنيه به بالابتدار مرقوم حسين چاوش
استجواب اولندوقده يکرمى بش ياشنده اولوب
حطب قپوسنده اقامتله صلاپوربه جيلق ايتديکنى
وابانه لى اولوب تيرياكى اوغلى ديمکله مشتهر
بولنديغى سو نيلکله کندوسنه وکیل مومى اليه
حسن تحسین افندی به قانون مذکورك ايكيوز
التمش دردنجى وايكيوز التمش بشنجى ماده لرى
مدلولاتى بعد الاخطار اتهام مضبطه سيله اتهانامه
ضبط کاتبى ذکاتى افندی به قرائت ايتديرلدى
مضبطه مذکوره نك مالى متهم مرقوم حسين چاوشك
مناو اجدى بالمنازعه جرح وقتل ايلديكى اخبارات
وامارات ايله ثابت اولوب حرکتى قانون جزانك
يوز تيمش دردنجى ماده سى حکمنى مستلزم افعال
جنائيه دن بولتمش ايدوکنندن جنائيله اتهانمه قرار
ويرلديکنى و اتهاننامه نك مؤداسى دخى مضبطه
مذکوره مندرجاتى وجهله مرقوم حسين چاوشك
متهم بولنديغى بيانندن عبارتدر

قانون مذکورك ايكيوز التمش التنجى ماده سنه توفيقاً
اتهاننامه نك خلاصه سى جانب رياستندن مرقوم
حسين چاوشه تفهيم ومعاون مومى اليه طرفندن
دخى اتهانمه سببیت ورن احوال بيان وتشریح
اولندوقدن صکره مرقوم سو يلتديرلديکده بر بازار
کونى اخشامى ساعت بر راده لرنده اون قپاننده
واقع انسطاشك ميخانه سنه کيدهرک اياق اوستنده
برقاچ قدح عرق ايچهرک حطب قپوسنه کتديکنى
وبرقاچ کون صکره برادر نك حبس اولنديغى
ايشيدهرک سلطان اجده بالعزيمه جدى افندی بى
چاغروب برادر نك بوقتل کيفيتندن طولابى
توقيف ايدلش اولديغى اکلامغله مومى اليه
تسليم اولديغندن توقيف ايدلش ايسه ده قتل
مذکوردن اصلا معلوماتى اولديغى بالبيان انکار
تهمت ايلدى مدعى عمومى طرفندن اعطا اولتان
شهود پوصله سنده اسملرى محرر اولوب دعوت
واقعه اوزر ينه کلش اولان رمزى وجمال اسماعيل
وصبرى وپوليس چاوشى مصطفى طاهر افندی
اصول محاکمات جزائيه قانون موقتک ايكيوز التمش
سکزنجى ماده سنه تطبيقاً بعد التحليف منفرداً
ومواجهه استجواب واستماع اولندوقلرنده بولردن
رمزى خاطرنده اوليان برکون رفقلى صبرى ومانوق
ايله اون قپاننده انسطاشك ميخانه سنه کيدرک
عشرت ايتکده لر ايکن مناو اجد دخى بالورود
ميخانه دن ايجروه به کيرديکنى معقب اوراده
اوتورمقده بولتان اسمنى صکره دن اوکرنديكى
بو حسين چاوش ايله منازعه به طوتشوب همان
ايکيمى بردن طيشارويه چيقدقلى صره ده

کندوسى خوف ايدوب خانه سنه کتمک افکار يله
زقاعه چيقديغنده بش التى خطوه ايلوده حسين
چاوشك النده بچاق و ياخود قيايه بکزر پارلاق
برشى کوردیکنى و براز ايرلقدن صکره متوفى
اجدک امان اولدم ديو فغاننى ايشيدهرک ارقه سنه
باقديغنده حسين چاوشك دخى فرار ايتديکنى
کوردیکنى و جمال اسماعيل دخى وقعه کونى
انسطاشك ميخانه سنه کيدوب عشرت ايتکده ايکن
درت کشى اولدقلى حالده حسين چاوشك کديکنى
معقب بر يسنک حسين چاوش ايله مجادله لسانيه ده
بولندقلى بى و ايجلرندن فرق ايدمهديكى بر يسنک
ارغلان سن کيمک اناسنه سو ويورسين ديهرک
حسين چاوشك ياقه سنندن طوتمغله مرقوم حسين
دخى ايتوب قاقه رق ميخانه طيشاروسنه چيقدقلرنده
غوغايه باشلا دقلرندن کندوسيده طيشارويه
چيقه رق لغمچى مانوقک برده ياتمقده اولوب
طانيديغى بر شخصى قالدبرمغه اوغراشدیغى
بالمشاهده ندر او ديو صورديغنده شونى طوتده
قالدبر ديدیکندن مرقومک معاونتيله شخص
مرقومى قالدبره سيله اليه بر ياش بولاشديغندن
باقديغنده قان اولديغى اکلايوب مانوق دخى
شخص مرقومه قرداشم سکا نه اولدى ديو سؤل
ايتديکنده مجروح مرقوم اه قرداشم مانوق بنى
معونه جى حسين اوردى ديدیکنى ايشتديکنى
وصبرى دخى رمزى ومانوق ايله انسطاشك
ميخانه سنه کتدکلرنده حسين چاوشك ميخانه
دستگاهى اوکنده طورديغى کوروب کندوسى
ابدست بوزه قى ايچون زقاعه چيقمده ايکن مناو

اجد ميخانه ايجروسنه کيرديکنى و ابدست بوزوب
کلديکنده مناو اجدک الرى بولکرنده اکتيلش
طورمقده ومانوق دخى نه اولدک ديو صورديغنده
اوراده بولتان جمال اسماعيل النندن اولدى
ومعونه جى اوردى ديدیکنى و ابدست بوزر ايکن
معونه جى حسين چاوشك اوستمه کليک ديهرک
قاچديغى کوردیکنى و پوليس چاوشى مصطفى طاهر
افندی دخى مجروح مرقوم اجد قره غولخانه به
کتورلديکده کيمک طرفندن اولديغى سؤل
ايتديکنده بنى بر پوست اوردى ديو ب فصل آدم
اولديغى دخى صورديغنده بر معونه جى پوستى
اوردى ديه سو بولديکنى ايشتديکنى افاده نه نبوطه لرى
وجهله بيان واخبار ايلديلر مقتول مرقومک
معاینه سنى حاوى اولان راپورت دخى لى القراه
مندرجاتنده مرقوم اجد حبسخانه عمومى خسته
خانه سنه حالت نزعه ورود ايدرک ايکى دقيقه
صکره وفات ايتديکندن کشف ومعاینه سى اجرا
اولندوقده متوفانى مرقوم قرق بش ياشنده اولوب
وجودنده ظاهرا علام اشتباه کور يله مامش انجق
صدر نك صاغ طرف وعظم قصک خافه خار جيسى
حداسنده و دردنجى و بشنجى و التنجى مسافه
بين الضلعيننده واقع کبيرجه برالت قاطعه ايله حاصل
التي سانتيمتر و طولنده عمق جوف صدره نافذ
بر عدد جرح وصول بيلک مفصلى طرف خار جيسندن
بدأ ايله صول الى طرف قدام وسطنده ختام
بولش کذا برآلت قاطعه ايله حصوله کلش یدى
سانتيمتر و طولنده عمق عظمه قدر ديگر بر عدد جرح
کورلش و متوفای مرقومک سبب وفاته کلنجه

صدرنده کی جرحه نافذه سنده و آلت مذکوره نك
 رثه ايمتک فص وسطیسنی و محل مذکوره بولنان
 شریان رثه بی جرح ایدرک بونلر نتیجه سنندن
 سیلان دم داخلی و خارجی وقوعیه اندن متأثراً
 وفات اینلش ایدوکی محرر بولتمشدر اشبو
 شاهدلرک ذات و شهادتلی علیهنده نه دیه جکی
 متبم مرقوم حسین چاوشدن صورلدقده
 قتل مذکور شهود مرقومون طرفندن
 صدور ایتدیکی جهته تخلص کریبان ایچون
 کندوسنه عطف تهمت ایتدکلینی و کندوسندن
 ماعدا اوراده پک چوق معونه جی اولدیغندن
 افاده لینی قبول ایتیه جکی سویلکله و شایان
 تدقیق بشقه برجهت قالماعله تحقیقاتک بوندن
 عبارت ایدوکی جانب ریاستدن بیان اولندقده
 معاون مومی الیه جدی افندی حسین چاوشک
 مناو احدی جرح و قتل ایلدیکی شهود مرقومه نك
 اخباراته انضمام ایدن دلائل و امارات ايله درجه
 ثبوتیه و اصل اولدیغندن مجرمیتک تحت قراره
 التمسنی طلب و دعوی و مدافعه و کیلی حسن تحسین
 افندی دخی موکلنک قتل مذکوری ایقاع ایتدیکنی
 رأی العین کورن اولدیغی کبی شاهدلرک افاده لری
 دخی موکلنک افاده سننه کوره بوفعلده مظنون
 بولندقلی جهته شایان قبول اولدیغی و خصوصیه
 کچه ساعت ایکیده بویه بروقه نك اخبار ایتدکلی
 وجهله کورلمسی محال اولدیغی و بناء علیه شهادتلی
 ایسه دفع مضرت ایچون اوله جغنی و پولیس
 مصطفی افندی نك افاده سی طوغری اولوب محل
 وقعده پک چوق معونه جی بولنه جغندن دیگر بر

معونه جی طرفندن فعل قتلک صدوری ملحوظ
 بولندیغنی و بو احوال ایسه حکم ایچون درجه
 کفایه ده اولدیغنی بالبیان موکلنک برائت ذمتله تخلیه
 سبيله قرار و برلمسنی طلب ایتلر یله ولدی السؤل
 طرفینک بشقه بر دبه جکلی اولدیغی اکلاشلغله
 محاکمه نك ختام بولدیغی جانب ریاستدن بیان
 اولنهرق مذاکره او طه سنه کلندی
 طرفینک ادعا و مدافعاتنک استماعندن و اوراق
 موجوده نك مطالعه و تدقیقندن صکره ایجاب
 کیفیت لیدی المذاکره متبم حسین چاوش هر تقدیر
 قتل مذکوره جرأتنی انکار ایتدکه ایسه ده محل
 وقعیه کتدیکنی اقرار التمسنه و حین وقعده مناو
 احدیله میخانه طیشاروسنده منازعه ایدوب اثنای
 منازعه ده احدک امان اورادم دیو فریاد ایلدیکی
 و عقبی وقعده قا یا خود بچاغه بکزر پارلاق
 برشی ايله فرار ایتدیکی رمزی و اوزریمه کلک
 دیه رنک قاچدیغی صبری طرفرندن مع الحلف بالمواجهه
 اخبار ایلدسنه و مقتولک قبل الوقات جارحی معونه جی
 اولدیغنی سویلدیکنی حال اسماعیل و پولیس
 مصطفی طاهر افندی نك مع القسم اخبار انظرینه
 و محل وقعده حسین چاوشدن ماعدا بشقه
 معونه جی بولندیغی دخی صورت تحقیقات و وقعده دن
 اکلاشلسنه نظراً مرقومک انکاری و وکیل
 مومی الیهک مدافعاتی واهی اولوب بو معونه جی
 حسین چاوشک مرقوم مناو احدی جرح و قتل
 ایلدیکی تحقیق ایتدکه مجرم اولدیغنه دائراً کثرت
 آرا ايله قرار و بریلوب تحت امضایه النان قرار
 ناه علناً قرائت اولندقده معاون مومی الیه جدی

اعلان

اوچویوز برسنه سی قانون ثانینک یکر می یدنجی
 کونی ارنبود قریه سنده جرح و قتل اولنهرق
 متأثراً وفات ایدن پترو نك کیفیت قتلندن طولانی
 مظنون علیه اولان قریه مذکوره ساکنلرندن
 و تبعه دولت علیه نك روم ملتندن اقدمجه قوندیره جی
 اولوب شمعی بالقجیلق ایتدکه اولدیغی بیان
 قلنان اورته بویلی قره قاشی قره کوزلی آز تربیقلی ستیری
 پانظلون اکتسا ایدن میچو ولد میخال فرار
 ایتسندن و حقنده اجرا اولنان تحقیقات اوزرینه
 هیئت اتهامیه دن اتهامنه قرار و برلمکدن ناشی
 اصول محاکمات جزایه قانون موقنتک اوچویوز
 یتش برنجی ماده سی موجبجه حقنده معامله مقتضیه
 اجرا و محاکمه غیایه ایفا اولنهرق مرقوم میخالک
 فعل قتله اجتماری اخبارات و دلائل سائر ايله
 ثابت اولدیغندن جزا قانوننامه همایونک یوز یتش
 دردیجی ماده سنک فقره اولیسنه توفیقاً اون بش
 سنه مدته کورکه قونلسنه و اوتوز برنجی ماده
 قانونیه موجبجه مؤ بدأ حقوق مرینه دن اسقاطیله
 برابر اموالنک جزینه محکمه جنایتدن غیاباً حکم
 اولنش و اصول محاکمه مذکوره نك اوچویوز یتش
 یدنجی و اوچویوز یتش سکرنجی و اوچویوز سکسان
 برنجی ماده لریله واد سائر سی احکامنه توفیقاً
 معامله اجرامی مرجعنه بیلدیرلش اولغله اعلان

فی ۱۱ تموز سنه ۳۰۱



کیفیتہ ابتدار قلندی

فی ۲۵ ذی الحجہ سنہ ۳۰۲ و فی ۲۳ ایلول سنہ ۳۰۱



پکن اوچیز سنہ سی رمضان شریفندہ اور تہ درہ سی
 کوی ایچندہ خاصہ اردوی ہمایونی بشجی ارن بود
 طاہورینک اوچنجی بلوکی اوچنجی خیمہ سی
 افرادندن پرزینلی عبدول بن رضوانی جرح
 و قتل ایملرندن طولابی مظنون علیہ اولان اردوی
 ہمایون مذکورک بشجی الاینک بشجی ارن بود
 طاہورینک اوچنجی بلوکنندہ بشجی خیمہ سی افرادندن
 اسکولی فضلی بن حقیق الدہ بولنان رفقاسیلہ
 برابر فضیحہ مذکورہ یہ جرأتلری ثابت اولمش
 و حرکتی قانون جزانک یوز تیش بشجی مادہ سی
 حکمنی مستلزم افعال جنایہ دن اولوب اصول
 محاکمات جزایہ قانون موقتک باب رابعنک فصل
 نائیسندہ محرر مواد احکامنہ توفیقاً و غیباً در سعادت
 محکمہ استینافیہ سی جنایت قمتندہ محاکمہ سی
 اجرا اولتمق اوزرہ جنایتلہ اتہامنہ قرار و یرلمش
 اولدیغندن فراری مرقوم ہرزہ کوریلر
 ایسہ اخذ و گرفت اولنہرق منسوب اولدیغی
 دائرہ عسکری حبسخانہ سنہ نقل و تسلیمی لازم
 کلہ جکی بالجملہ ضابطہ عدلیہ مأمورلرینک معلومی
 اولمق اوزرہ اشبو اخذ و گرفت امری در سعادت
 محکمہ استینافیہ سی ہیئت اتہامیہ سندن تسطیر
 واعطا قلندی

فی ۲۵ ذی الحجہ سنہ ۳۰۲ و فی ۲۶ ایلول سنہ ۳۰۱



اوچیز برسنہ سی حزیرانک اتوزنجی کونی
 مقری کوی جوارندہ عواص قریبہ سی طریقتندہ اینجیر
 اغاجینک تندہ قا ایلہ جرح و قتل اولنان چوبان
 اسماعیلک کیفیت قتلندن طولابی مظنون علیہ
 اولان و ہیئت اتہامیہ دن غیباً جنایتلہ اتہام
 ایدیلان فراری اوزون بویلی سیاہ پلایقی تخمیناً
 یکریمی سکز یا شندہ بلاطلی میخانہ جی بورکی نام شخص
 الان الہ پکور یلہ مدیکندن اصول محاکمات جزایہ
 قانون موقتک اوچیز تیش برنجی مادہ سی حکمنہ توفیقاً
 قانونہ اطاعتلہ محکمہ یہ کلک اوزرہ اشبو تارینندن
 بالاعتبار جانب ریاستندن فراری مرقومہ اون
 کون مہل و یرلمش اولنقلہ مرقومک بومدت طرفندہ
 محکمہ یہ کلدیکی حالہ قانونہ اطاعت ایتمامش نظر یلہ
 باقیلہرق محاکمہ غیبیہ سی بالاجرا حقوق مدنیہ دن
 اسقاط اولنہ جعی مثللو اموالی دخی تحت حجز
 ایدیلہ جکی و بو ائنادہ برکونہ اقامہ دعویہ حق
 اولہ میہ جعی و بولندیغی محلی بیلنر خبر و یرمکہ
 و بالجملہ ضابطہ عدلیہ مأمورلرینک دخی مرقومی
 اخذ و گرفت ایتمکہ مجبور اولدقلری و فراری
 مرقوم حقندہ اخذ و گرفت امری اعطا قلتمش
 اولدیغی بیانیلہ اعلان کیفیت اولنور

فی ۳۰ ایلول سنہ ۳۰۱



ملاطیہ لی یوسون اوغلی محمد اغانک جزاء محکوم
 اولدیغی ایکیز اون یدی بچق غروشک تأمین

استیفاسی ضمنندہ مجبور بولنان بر عدد کهنہ اینک
 چارشب و براورمہ سجادہ و برطوب الاجدنک
 فروختی مقرر اولوب اشبو بیک اوچیز
 برسنہ سی شہر نشرین اولنک اون برنجی جمعہ
 کونی ساعت بش رادہ لرنندہ تعیین قلنان مأموری
 معرفتیلہ اسکدار بدستانندہ علی الاصول مزایدہ
 و فروخت اولنہ جفندن طالب اولنلرک یوم و وقت
 مذکورہ محلنہ عزیمتیلہ مأمورینہ مراجعت
 ایملری اسکدار بدایت محکمہ سی اجرا دائرہ سندن
 اعلان اولنور


فی ۲۸ ایلول سنہ ۱۳۰۱



حاجی خورشید افندیکن سلیمان زکی افندی بہ اولان
 دیون محکومہ سنک تسویہ سیچون بوندن مقدم موقع
 مزایدہ بہ قونیلان خواجہ پاشادہ الوان محلہ سندنہ
 تیمور قیو جادہ سندنہ معلوم الحدود فوقانی و تحتانی
 التی او طہ و بر مطبخ و مشتملات سائرہ بی حاوی شہری
 در تیوز غروش کراکتورر یکریمی طقوز نومرولی
 بر باب خانہ ایلہ تختندہ واقع یکریمی یدی نومرولی
 قہوہ خانہ ملککنک یوز یکریمی حصہ اعتبار یلہ
 مومی الیہ حاجی خورشید افندیکن متصرف
 اولدیغی یکریمی درت حصہ ایلہ ذکر اولنان یکریمی
 یدی نومرولی قہوہ خانہ کدکنک تیش ایکی حصہ
 اعتبار یلہ یکریمی بر حصہ سی عثمانلی لیراسی یوز
 غروش حساسیلہ اوچبیک سکز یوز غروشندہ

طالبی عہدہ سندنہ قللمش و تاریخ اعلاندن اعتباراً
 اتوز برکونہ یعنی کلہ جک تشرین نائینک برنجی
 جمعہ ابرتسی کونی ساعت اونہ قدر یوزدہ بش ضم
 قبول اولنسی و ذکر اولنان یوم و ساعتدہ صوک
 مزایدہ سی بالاجرا قرار قطعسی و یر بلہرک لالی
 عہدہ سنہ یکورلسی مقرر بولتمش اولدیغندن
 و اندن صکرہ ہرنہ ضم وقوع عبولور ایسہ قبول
 اولنیمہ جفندن مذکور حصہ لہ یوزدہ بش ضمیمہ
 طالب اولنلرک و دہا زیادہ معلومات المقتی استیانلرک
 مدت مرقومہ طرفندہ محکمہ تجارت اجراء دائرہ سنہ
 مراجعت ایملری و یوم و وقت مزبورہ محل مذکورہ
 حاضر بولتملری اعلان اولنور

فی ۱ تشرین اول سنہ ۳۰۱



حالت پاشا مرحومک حلیلہ سی عصمتلو سعادت
 خنم ایلہ مخدومی محمد بہاء الدین بکک برنجی
 حقوق دائرہ سندن فی ۲۰ کانون اول سنہ ۹۹
 تاریخ و بشیوز الی بش عدلیہ اعطا قلنان اعلام
 موجبہ صراف ماروشیان کرقور اغایہ دینلری
 بولنان مبالغ معلومہ نک تأمین استیفاسیچون مدیون
 مومی الیہمانک عہدہ تصرف لرنندہ اولوب مقدما
 تحت حجزہ الدیریلان سراجخانہ باشندہ معمار
 ایاس محلہ سندنہ سبجیلر جادہ سندنہ کائن بر طرفی
 مصرف قاغی و بر طرفی مصطفی نادر بکک و بورغانجی
 حسین افندیکن متصرف اولدقلری خانہ لری و اوکی

سپنجیل جاده سیله محدود تخمیناً بیک ایکوز سکز
 مترو بش ساتیم یعنی ایک بیک بوز اوتوز ایک
 ارشون عرصه اوزرینه مینی سلاملق و حرم
 متصل اولدیغی حالده کبیر و صغیر قرق بش اوطه
 و اون صوفه و اون اوچ ابدستخانه و ایکی مطبخ
 و برجام و سلاملق جهنده ایکوز قرق بر مترو
 یدی ساتیم یعنی درتوز یکرمی ارشون مقداری
 بغچه پی و دروننده سونکر طاشندن معمول
 چاغلیان تعیر اولنور فسقیه لی حوض و قرق بش
 مترو طقسان یدی ساتیم یعنی سکسان ارشون
 مقداری پونلغی و حرم طرفنده زمیندن یدی ایاق
 زردبان ایله چیقور تخمیناً بوز سکسان ایی مترو
 یتش بر ساتیم یعنی اوچیوز اون سکز ارشون
 بغچه پی و دروننده کبیر صهرنجی و نصف ماصورا
 ماء لذینی حاوی و مشتمل صغیر و کبیر درت قپولی
 و یدی نومرولی نیم کار کبیر قوناغک درت حصه
 اعتبار یله اوچ حصه سی و ینه محل مذکورده واقع
 بر طرفی حسین اغانک متصرف اولدیغی التی نومرولی
 سپنجی دکانی و بر طرفی امام زقاعی ارقه طرفی
 متوفی حسنی بکک اخور و عر به لکی و قوناغک بغچه
 دیواری و اوکی سپنجیل جاده سیله محدود تخمیناً
 سکز بوز الی طقوز مترو یتش یدی ساتیم
 یعنی بیک درتوز طقسان التی ارشوندن عبارت
 دروننده بر عدد کبیر اسقره لی قارقوسیه کبیر محزنی
 و بر عدد مر حوض و ایکی عدد قیوی و اشجار
 مثره و غیر مثره بی شامل اون درت نومرولی
 بر قطعه بغچه نک کذالك درت حصه اعتبار یله

اوج حصه سی و مذکور بغچه نک صاغ جهته
 متصل تخمیناً بوز الی مترو اوتوز ایکی ساتیم
 یعنی ایکوز ارشون عرصه اوزرینه مینی مقدا
 اون و اون ایکی نومرولی سپنجی دکانی اولوب
 مؤخرأ اون ایکی نومرولی اخوره قلب ایدیلان
 دکانلرک کذالك کدی درت حصه اعتبار یله اوج
 حصه سی بوندن اقدام مزایده یه چیقارلش و التمش
 بر کون اجرا اونسان مزایده ده لبرای عثمانی بوز
 غروشندن اولوق اوزره املاک مذکورده دن یدی
 نومرولی قوناق سکسان بیک و مذکور بغچه ایله
 اخشاب و مخرب اولان اون ایکی نومرولی
 اخور برابرجه مزایده اولدیغندن انردخی یکرمی
 بیک غروشده طالبی عهده سننده تقرر التمش
 اولغله بوندن زیاده یعنی بوزده بش ضمیله طالب
 اولنلرک تاریخ اعلانن اعتبارأ اوتوز بر کون
 ظرفنده در سعادت بدایت محکمه سی اجرا دائره سنه
 مراجعت الملری اعلان اولنور

فی ۲ تشرین اول سنه ۳۰۱



عر بکیر قضا سننده عثمان پاشا محله سننده بکلی زاده
 محمد افندیک اغنام رسو مندن طولای خریوت
 بدایت محکمه سنندن فی ۱۸ شباط سنه ۱۲۹۹
 و بوز یکرمی عدد یله اعطا قلنان اعلام و وجبجه
 ملتر زمیندن انطوان افندی به دینی بولنان التمش
 درت بیک بوز طقسان غروشک مع مصارف محاکمه

تأمین استیفاسیچون مدیون مومی الیهک عهده
 تصرفنده اولوب تحت حجزه الیریلان طواق
 بازاری جوارنده عتیق علی پاشا مدرسه سی
 زقاغنده کائن تخمیناً یکرمی التی مترو درت ساتیم
 یعنی قرق ارشون اون ایکی پرمق عرصه اوزرینه
 مینی مجدد کار کبیر اولوق اوزره ایکی قاتندن عبارت
 اولوب فوقنده بر اوطه و بر صوفه و بر ابدستخانه بی
 و ارقه جهنده اون بش مترو اوتوز ساتیم یعنی یکرمی
 التی ارشون یدی پرمق مقداری بغچه پی مشتمل بر طرفی
 عتیق علی پاشا مدرسه سنک عرصه سی و ایکی
 طرفی یوغورتچی کیرونک متصرف اولدیغی بلا
 نومرولی قهوه خانه و یغورتچی کار خانه سی و اوکی
 عتیق علی پاشا مدرسه سی زقاغیله محدود شهری
 بوز یکرمی غروش کراکتورر یکرمی ایکی نومرولی
 بر باب قهوه خانه نک نصف حصه سیله محل مذکورده
 عتیق اسیر بازاری زقاغنده واقع تخمیناً یتش اوج
 ساتیم یعنی بوز یکرمی یدی ارشون یکرمی پرمق
 عرصه اوزرینه مینی مجدد کار کبیر اولوق اوزره
 درت قاتندن عبارت اولوب الت قاتنده الی التی عتیق
 و اون بش نومرولی جدید قهوه خانه ایله بر اوطه
 و مذکور قهوه خانه نک التی مکمل صورتده یابنلش
 بودرم و ایکنجی قاتده درت اوطه و بر صوفه
 و بر مصلوق و بر ابدستخانه بی و اوچنجی قاتده کذالك
 درت اوطه و بر صوفه و بر اوجاق و بر مصلوق
 و بر ابدستخانه بی و دردنجی قاتده اوج اوطه
 و بر صوفه و بر مصلوق و بر ابدستخانه بی جامع
 بر طرفی قوسقوسچی قدیر اغانک متصرف اولدیغی

بلا نومرولی قهوه خانه و بکار اوطه لری و بر طرفی
 اتمکچی سلیمان اغانک متصرف اولدیغی اخوری
 و ارقه طرفی بقوله لی خانی اوکی عتیق اسیر بازاری
 زقاغیله محدود شهری ایکوز غروش کرا به و بر ابدکده
 اولان عتیق الی درت و جدید اون اوج نومرولی
 بر باب بکار اوطه لرنک کذالك نصف حصه سی و بالی
 پاشا جاده سننده کائن تخمیناً طقوز مترو یتش ایکی
 ساتیم یعنی اون یدی ارشون ارا التی ایله اتصالیله واقع
 اون بر مترو قرق طقوز ساتیم یعنی یکرمی ارشوندن
 عبارت بولنان التمش یدی نومرولی بر باب بقال
 دکانی محترق عرصه سنک هواسنی مشتمل بر طرفی
 ذکر اولنان بقال دکانک عرصه سی و بر طرفی
 عایشه خانمک متصرفه اولدیغی بلا نومرولی
 عرصه سی و اوکی بالی پاشا جاده سیله محدود
 التمش بش نومرولی بر باب عرصه نک تمامی عر بکیر
 بدایت محکمه سنندن مورود تحریرات اوزرینه
 بوندن اول مزایده یه قونلشیدی اولنان مزایده ده
 مذکور یکرمی ایکی نومرولی قهوه خانه حصه سی
 لیرا بوز غروشندن اولوق اوزره اوچبیک بش بوز
 غروشده و ذکر اولنان اون اوج نومرولی بکار
 اوطه لری حصه سی دخی کذالك لیرا بوز غروشندن
 اولوق اوزره طقوز بیک یدیوز الی غروشده
 و التمش اوج نومرولی عرصه نک تمامی دخی سکز
 بوز غروشده طالبلری عهده سننده تقرر ایتش و موقتأ
 قرار داده سی دخی کشیده قلنش اولدیغندن بدلات
 مذکورده دن زیاده یعنی بوزده بش ضمیله طالب
 اولنلرک تاریخ اعلانن اعتبارأ اوتوز بر کون
 ظرفنده دائره یه مراجعت الملری در سعادت بدایت

محکمه سی اجرا دائره سندن اعلان اولنور
فی ۲ تشرین اول سنه ۳۰۱

بیغادوس قریه لی اقلیل اوغلی نیقولاکینک بیوک
چکمجه قضاسنده شهرتوس قریه لی قطعه اوغلی
یانقو ذمتنده اولان مبالغ محکومه سنی اعطاده
وقوع امتناعنه مبنی مدیونک قریه مزبوره
حدودنده واقع مناسرت موقعنده ویتش التی
نومروده عتیق سکز دونم اوچ اولک وجدید
تخمیناً درت دونم برکذک یوز یدی نومروده
عتیق اوچ دونم وجدید بر دونم ایکی اولک الی یدی
مربع ارشون برکه جمعاً ایکی قطعه کرومی ملک باغی
حجز ایدیلوب موقع مزایده وضع ایدیله چکنندن
تاریخ اعلاندن اعتباراً اون بئسکون مرورنده
ظهور ایده جک طالبلرک بیوک چکمجه اجرا
مأموریتیه مراجعت ایتلری اعلان اولنور
فی ۳ تشرین اول سنه ۳۰۱

فرایده خاتونک قصاب حاجی محمدافا ذمتنده محکوم به
اولان الاجفنگک تسویه سیچون بوندن مقدم موقع
مزایده به قونیلان بک اوغلنده فری کو ینده چنته
جو یزرده معلوم الحدود تخمیناً جدید اوچبیک
اوتوز ایکی وعتیق درتیک ارشون محلدن عبارت

اولوب جوانب اربعه سی طاش دیوار ایله محاط
دروننده بر باب سلخ خانه و براخور وایکی اوطنه
و برصانلق ایله اشجار مثمره لی برقطعه باغچه بی
و بوندن بشقه ینه سلخ خانه مشتلاندن اوله رق
اتصالنده واقع علی التخمین جدید التی بیک سکز یوز
بکرمی ایکی وعتیق طقوز بیک ارشون باغ
واراضی بی محتوی سنوی اوتوز التی عدد عثمانلی
لیراسی کیرا کتورر سکسان برنومرولی املاک
واراضیده متصرف اولدبغی نصف حصه عثمانلی
لیراسی یوز غروش حسابله بکرمی یدی بیک
غروشده طالبی عهده سنده قالمش و تاریخ اعلاندن
اعتباراً اوتوز برکونه یعنی کله جک تشرین
ثانینک اوچنجی بازار کونی ساعت اونه قدر یوزده
بش ضم قبول اولنسی و ذکر اولنان یوم و ساعتده
صوک مزایده سی بالاجرا قرار قطعی سی و بر بلهرک
طالبی عهده سنه بکچورلسی مقرر بولنمش اولدیغندن
واندن صکره هر نه ضم وقوع بولور ایسه قبول
اولنیه چغندن مذکور حصه یه یوزده بش ضمیمه
طالب اولنلرک وده از یاده معلومات المق استیانلرک
مدت مرقومه ظرفنده محکمه تجارت اجرا دائره سنه
مراجعت ایتلری و یوم و وقت مذکورده محل
مزبورده حاضر بولنلری اعلان اولنور

فی ۳ تشرین اول سنه ۱۳۰۱